

周禮


卷二十八

			四九三二	漢書門
一五六	九	九	二	類
册	架	函	號	

			四九三二	漢書
三六	一五六	二		類
册	架	冊	號	

內閣文庫	
番號	漢 4932
冊數	156 (50)
函號	276 24





周禮註疏卷第二十八

千如堂藏

漢鄭

氏註

唐賈公彥疏



夏官司馬第四

圖

鄭云象夏所立之官馬者武也言為武者也夏整齊萬物天子立司

馬共掌邦政政可以平諸侯止天下故曰統六師平邦國


惟王建國辨方正位體國經野設官分職以為民極乃

立夏官司馬使帥其屬而掌邦政以佐王平邦國

政正也政所以正不正者也孝經說曰政者正也正

德名以行道圖政正至行道釋曰為正者取平

司禮疏正之義大司馬主六軍所以正諸侯



違王命不正者故鄭云所以正不正是以康子問政孔子云子帥以正孰敢不正孝經說者是孝經緯文云政者正也正德名以行道者亦是正者先自正已之德名以行道則天下自然正引之以證正不正之事

政官之屬大司馬卿一人小司馬中大夫二人軍

司馬下大夫四人輿司馬上士八人行司馬中士十

有六人旅下士三十有二人府六人史十有六人胥

三十有二人徒三百有二十人○輿衆也行謂軍行

列胥作六軍而有○行取名於此○輿音餘行戶剛

○政官至十人○釋曰此序官從大司馬至府六人

○其數與諸官同自史以下則異諸官皆云史十二人胥十二人徒三百二十人與諸官異者以大司馬大總

六軍軍事尚嚴特須監察故胥徒獨多是以襄公三

年六月晉悼公會諸侯盟于雞澤秋晉侯之弟揚下

亂行於曲梁魏絳戮其僕晉侯怒對曰使臣斯司馬

臣聞師衆以順爲武是其尚嚴也○輿衆至於此

○釋曰輿衆者按左氏傳僖二十八年晉侯聽輿人

之誦是輿爲衆之義也云行謂軍行列者詩云真彼

周行是行得爲行列云晉作六軍而有三行取名於

此者左氏僖二十八年云晉侯作三行以禦狄註云

晉置上中下三軍令度增置三行避天子六軍之名

以所加三軍者謂之三行彼名軍爲行取於此行可

馬之名也凡制軍萬有二千五百人爲軍王六軍大國三

軍次國二軍小國一軍軍將皆命卿二千有五百人

爲師師帥皆中大夫五百人爲旅旅帥皆下大夫百

五人為伍伍皆有長

註

軍師旅卒兩伍皆衆名也伍

一比兩一閭卒一旅旅一黨師一州軍一鄉家所出

一人將帥長司馬者其師吏也言軍將皆命卿則凡

軍帥不特置選於六官六鄉之吏自卿以下德任者

使兼官焉鄭司農云王六軍大國三軍次國二軍小

國一軍故春秋傳有大國次國小國又曰成國不過

半天子之軍周為六軍諸侯之大者三軍可也詩大

雅常武曰赫赫明明王命卿士南仲大祖大師皇父

整我六師以修我戎既倣既戒惠此南國大雅文王

曰周王于邁六師及之此周為六軍之見于經也春

秋傳曰王使虢公命曲沃伯以一軍為晉侯此小國

一軍之見于傳也百人為卒二十五人為兩故春秋

傳曰廣有一卒卒偏之兩

○軍將子匠反凡軍將將帥之類放此帥所類反下

將帥之卒皆同卒子忽反後皆同卒長丁丈反卷內

不出者反此比嘽志反大祖音泰下大師及下文大

僕同皇父音甫倣本亦作倣京**註**凡制至有長○釋

領反見賢遍反下同廣光浪反**註**曰云此大國次國

小國者皆以命數同者軍數則同則上公為大國侯

伯為次國子男為小國也魯是侯爵而魯頌云公徒

三萬註云萬二千五百人為軍大國三軍合三萬七

千五百人言三萬者舉成數也然當公之時其實二

軍故襄公十一年作三軍則前無三軍矣若僖公時

有三軍則中間應有今文註詩為三軍者作詩之人

禮記

卷之三

禮記

舉魯盛時而言若然魯公伯禽之時則三軍矣魯語
季武子為三軍叔孫昭子曰不可又云今我小侯也
明大侯之時有三軍矣鄭答林頌為二萬之大數者
以實言之也此言軍將皆命卿及師帥皆中大夫旅
帥皆下大夫卒長皆上士兩司馬皆中士伍皆有長
者皆據在鄉為鄉大夫州長黨正族師闕胥比長時
尊卑命數而言伍皆有長是比長下士不言皆下士
者以衆多官卑故略而不言也○**國**軍師至之兩○
釋曰鄭以經伍兩卒旅師軍皆據在鄉內民數而言
者以其凡出軍皆據六鄉為數是以小司徒云凡起
徒役無過一是一是以鄭據在鄉之數而以家出一
人結之也鄭云言凡軍將皆命卿則凡軍帥不特置
選於六官六鄉之吏者鄭云選於六官者謂王朝六
卿此六軍之將還選六卿中有武者為軍將也又別
言六鄉之吏者據六卿大夫及州長黨正六師闕胥
比長中有武者今出軍之爵還選在鄉所管之長為
軍吏也鄭必知還遣本長為軍吏者見管子云因內
政寄軍令且經茲據在卿時尊卑而言故知因遣其

鄉之官而領之也是以州長職註云掌其戒令賞罰
帥自黨已下註皆云因為旅帥因為卒長闕胥以下
雖不言因為義可知又云白卿已下德任者使兼官
焉者按大司馬云師都載旃旃鄉遂載物鄭云鄉遂大
夫或載旃或載物衆屬軍吏無所將則自卿已下至
伍長有武德堪任為軍之吏者乃兼官兼官者在鄉
為鄉官在軍為軍吏若無武德不堪任為軍吏者則
衆屬他軍吏身不得為軍吏是無所將也是以詩云
韎韐有奭以作六師鄭云諸侯世子除三年之喪未
遇爵命服士服而來時有征伐之事天子以其吏任
為軍將是代為軍將之事則王朝之官有武德者皆
可代為軍吏也先鄭云王六軍已下復引諸文者以
當時有不信周禮者故引為證言春秋有次國有次
國有小國者此亦春秋正文成三年冬十一月晉侯
使荀庚來聘衛侯使孫良夫來聘公問諸臧宣叔曰
中行伯之於晉其位在三孫子之於衛也位為上卿
將誰先對曰次國之上卿當大國之中當其上下
當其上大夫小國之上卿當大國之下卿中當其上

大夫下當其下大夫上下如是古之制也衛在晉不
 得為次國晉為盟主其將先之丙午盟晉丁未盟衛
 蓋指此為大國次國小國也云又曰成國不過半天
 子之軍周為六軍諸侯之大者三軍可也者襄十四
 年晉侯舍新軍禮也成國禮不過半天子之軍周為
 六軍諸侯之大者三軍可也晉雖為侯爵以世為霸
 主得置三軍故為禮也云此周為六軍之見于經也
 者此引春秋及大雅常武與文王皆是正經故云之
 見于經也此經言軍而詩云師者此皆軍也故鄭答
 林頌云軍者兵之大名軍禮重言軍為其大悉故春
 秋之兵雖有累萬之眾皆聽師詩云六師即六軍也
 然軍旅卒兩皆眾名獨舉師者故易師彖云師貞丈
 人為之長故吉無咎謂天子諸侯而主軍軍將皆命
 卿天子六軍兵眾之名移矣正言師者出兵而多以
 軍為名次以師為大名少旅為名言眾舉中言之也山此
 言之故以師表名見其得中以兼上下言軍以軍為名
 中故以師表名見其得中以兼上下言軍以軍為名

謂征伐次以師為名謂君行師從少以旅為名謂
 行旅從之時也云春秋傳曰王使虢公命曲沃伯
 一軍為晉侯此小國一軍之見於傳者莊十六年
 文以其新并晉國雖為侯爵以小國軍法命之故一
 軍也云故春秋傳曰廣有一卒卒偏之兩者宜十二
 年樂武子說楚之軍法云其君之戎分為二廣服以
 云左右廣各十五乘廣有一卒服氏云百人為卒言
 廣有卒為承也卒偏之兩服氏云五十人曰偏二十
 五人曰兩廣既有一卒為承承有偏偏有兩故曰卒
 偏之兩引之以證卒是百人兩為二十五人意也
 一軍則之府六吏胥十人徒百人
 有軍則置之無則已府史不言府二人史六人而
 逆言其數者欲見所置非常故倒言以見義也
 司勳上士二人下士四人府二人史四人胥二人徒二
 十人

故書勳作勳鄭司農云勳讀為勳勳功也此

官主功賞按曰掌六鄉賞地之法以等其功

○勳香云反劉

音司勳至十人○釋曰此已下六十官以大司馬

訓主軍法所有軍事及武勇官爵賞賚整齊之等

皆屬焉序官前後亦不據尊卑直取事急者居前事

緩者居後是以司勳及馬質已下皆士官而居後射

人諸子司士之等大夫官而居後也但司馬主征伐

軍無賞士不往凡軍以賞為先故僖二十八年秋七

月晉文公獻俘授馘飲至大賞武王入殷封功臣謀

士師尚父為首故司勳列位在前上七二人為官下

士四人為之佐府二人主藏文書史四人作文書草

胥二人為十長徒二十人給餼役○故書至其功

○釋曰先鄭不從古書勳而從勳者勳是古字從今

之勳也云掌六鄉賞地之法以等其功者司勳職文

也主買馬平其大小之賈直○賈音嫁

馬中士二人府一人史二人賈四人徒八人○賈音平至

也主買馬平其大小之賈直

註及下同

賈直也釋

也

也

也

曰司馬者主以供軍之用馬質主平馬賈買之故亦

列職居前也然不使與校人相近者校人主馬六

小賈直故使與量人相近故

也以其主司馬故屬夏官

量人下士二人府一人史四人徒八人○量音亮或音良下

以其掌營軍之壘舍量其市朝州塗軍社之

其中雖有餘事要以軍事為重故亦列職於此也

小子下士二人史一人徒八人○小子主祭祀之

也

也

也

也

羊人下士二人史一人賈二人徒八人○羊人

○釋曰

羊人在此者

也

也

以其職有掌羊牲又祭祀割牲等之事羊屬南方火
司馬火官故在此按說卦云兌為羊註云其畜好剛
齒又易說云大山失金雞西嶽亡玉羊玉羊者西嶽
之精而羊不在西方者羊有二義按五行傳云視之
不明則有羊禍註云羊畜之遠視者屬
視故列在夏官兌為羊又屬西方也

司燿下士二人徒六人

故書燿為燿杜子春云燿當

為燿書亦或為燿燿為私火玄謂燿讀如弓若觀火

之觀今燕俗名湯熱為觀則燿火謂熱火與

燿哉約反李又音灼觀古與反故書至火與釋曰在

令火屬南方故在此也子春不從古書燿還從燿燿

為私火者民間理燿之火為私火亦如後鄭為熱火

也後鄭讀如弓若觀火者盤庚告其羣臣不欲徙而
遷情者予若觀熱也我有刑罰如熱火可畏故引燕

俗以湯熱為觀亦取熱火之義後鄭云謂熱火與者
對秋官司烜氏以夫燧取火於日中為明者為冷火
破字為疑故云與也孔安國以觀為視我觀汝情如
視火與鄭義異也若然司烜氏不在此者彼取金義
故在秋官也

掌固上士二人下士八人府二人史四人胥四人徒四

十人固國所依阻者也國曰固野曰險易曰王公

設險以守其國固國至其國○釋曰鄭云固國

言云國曰固野曰險者對上文司險是在野之義也

以其掌固職云掌脩城郭溝池樹渠之固茲據國而

言司險職云周知山林川澤之阻而達其道路皆據
在野而言故知在野曰險又引易者易坎卦彖云天
險不可升地險山川丘陵王公設險以守其國引之
證固是在國王公設之以守國若然易云王公設險

險卽此固以其言王公設之非是在野自然之險者
也是對之則險固異散則險固通名也掌固司險在
一此者取整齊
之義故也

司險中士二人下士四人史二人徒四十人

掌疆中士八人史四人胥十有六人徒百有六十人

疆界也○疆居良反按其職闕雖未知其事蓋掌

守疆界亦是禁戒
之事故在此也

候人上士六人下士十有二人史六人徒百有二十人

候候迎賓客之來者○候至來者○釋曰在

之道治與其禁令以設候人是候迎賓客之事故
詩云彼候人兮荷戈與役亦是武事故在此也

環人下士六人史二人徒十有二人

力卻敵○環戶關反劉戶串環猶至卻敵○釋

掌致師察軍慝皆是軍
師之事也故在此也

挈壺氏下士六人史二人徒十有二人

之挈壺盛水器也世主挈壺水以爲漏○挈劉苦結

戶結反○挈音成挈請至爲漏○釋曰在此者按其職云

禮又云凡軍事懸壺以序聚標皆爲軍事按在此也

鄭讀挈如絮髮之絮者詩云總角之晏毛傳云總角

結髮此鄭依毛傳絮卽結之義也鄭云世主挈壺水
以爲漏者以其稱氏此則官有世功則以言爲氏故
以世主
解之也

射人下大夫二人上士四人下士八人府二人史四人

胥二人徒二十人

釋射人○釋曰在此者以其主射事射即武事故在此也

服不氏下士一人徒四人

釋服不氏○釋曰在此者以其服不氏之獸者

不至獸者○釋曰在此者以其服不氏之獸象王者伐叛柔服之義故在此也

射鳥氏下士一人徒四人

釋射鳥氏○釋曰在此者按其職云掌

射鳥亦是武事在此宜也

羅氏下士一人徒八人

釋羅氏○釋曰在此者以其羅氏天子之掌鳥獸者

大羅氏天子之掌鳥獸者

釋羅氏○釋曰在此者以其羅氏天子之掌鳥獸者

獸者○釋曰在此者按其職云掌羅氏鳥亦是武事故在此也引郊特牲云大羅氏天子之掌鳥獸者按

彼云大羅氏天子之掌鳥獸者諸侯貢鳩焉彼大羅氏則此羅氏為一彼稱大對諸侯此直曰羅氏此無所對故不稱大此職唯羅氏不主獸彼兼言獸者諸侯所貢鳥獸屬焉則兼掌所貢之獸也

掌畜下士二人史二人胥二人徒二十人

釋畜○釋曰在此者以其畜謂斂而養之○釋曰在此者按其職云掌養鳥而阜

養之同劉許又反此者按其職云掌養鳥而阜是斂而養之鳥是羽蟲屬南方故在此也

司士下大夫二人中士六人下士十有二人府二人史

四人胥四人徒四十人

釋司士○釋曰在此者以其職云掌以德詔爵以功詔

祿與大司馬云進賢與功同故列職於此也

諸子下大夫二人中士四人府二人史二人胥二人徒

諸子下大夫二人中士四人府二人史二人胥二人徒

諸子下大夫二人中士四人府二人史二人胥二人徒

二十人 諸子主公卿大夫士之子者或曰庶子

諸子至庶子。釋曰在此者按其職云若有甲兵之事則授之車甲故亦在此也。鄭云諸子主公卿大夫士之子者按其職云掌國子之倅倅副代父者是公卿大夫士之適子皆倅故鄭歷言之云或曰庶子者按禮記燕義稱此諸子為庶子故言或曰以其燕禮有庶子執燭之事彼稱諸子謂之庶子故燕義兼說天子諸子之事諸庶為一皆掌公卿大夫士之適故通謂之庶子也。

司右士二人下士四人府四人史四人胥八人徒八

十人 右謂有勇力之士充王車右

此者王車之右執干戈以衛王亦是武事故在此也。鄭知勇力者其職云國之勇力之士能剛猛者屬焉。鄭云選右當於中是則勇力充之者也。

虎賁氏下大夫二人中士十有二人府二人史八人胥

八十人虎士八百人 不言徒田虎士則虎士徒之

選有勇力者。黃帝不言至於此。釋曰在此不言徒曰虎士則虎士徒之選有勇力者乃為之以當徒處。

旅賁氏中士二人下士十有六人史二人徒八人

氏。釋曰在此者按其職云掌執戈盾夾王車而趨左八人右八人車止則持輪言旅見其衆言賁見其勇亦是衛守王事故在此也。

節服氏下士八人徒四人 世為王節所衣服

圖世為至衣服。釋曰在此者按其職云郊祀二人執戈送逆尸從車亦是武事故在此也鄭云世為王節所衣服者以其著服與王為節而稱氏故知官有世功則曰官旅然凡稱氏者鄭雖不釋為世功但註有詳略從可知也

方相氏狂夫四人

圖方相猶言放想可畏怖之貌

○放想方

丈反木或**圖**方相至之貌。釋曰在此者按其職作旄音同**圖**六蒙熊皮黃金四日玄衣朱裳執戈揚盾可畏怖亦是武事故在此也鄭云方相猶言放想者漢時有此語是可畏怖之貌故云方相也

太僕下大夫二人小臣上士四人祭僕中士六人御僕

下士十有二人府二人史四人胥二人徒二十人

圖僕侍御於尊者之名太僕其長也

圖僕侍至長也釋曰在此者

凡言僕御者是武衛之事又太僕職凡軍旅出役贊王鼓是凡僕御皆連類在此也太僕已下四官因仍同府史之等者太僕已下至御僕乃是別職同官故同府史也小臣其職云掌王之小命詔相王之小法儀祭僕其職云掌受命於王以視祭祀御僕其職云掌羣吏之逆及庶氏之復太僕為長故連類在此若然府史胥徒在御僕下者是四官別職同官故共府史胥徒也

隸僕下士二人府一人史二人胥四人徒四十人

圖吏而曰隸以其事褻

○褻息

圖此吏至事褻。釋曰在此者以僕皆在

此故亦在此但所掌事褻故別官職不屬太僕鄭云此吏而曰隸以其事褻者此經言下士二人即是吏按秋官有罪隸已下是奴稱隸以其掌褻故與賤同稱隸也

弁師下士二人工四人史二人徒四人

圖弁者古冠之

大稱委貌緇布曰冠

○弁皮彥反稱人證反釋曰在此者以

夏物長大而盛壯人年長大乃冠以象夏故不同司

記郊特牲及士冠記皆云夏收殷周弁三代皆祭

冠則弁亦冕也卽是六冕皆得稱弁若然皮弁爵弁

自然是弁故鄭云弁者古冠之夫稱也云委貌緇布

曰冠者此二者對皮弁爵弁六冕惟曰冠若散文亦

得言弁故司服云凡田冠弁

服凶事服弁服皆得言弁也

司甲下大夫二人中士八人府四人史八人胥八人徒

八十人○鏡也司甲兵戈盾管之長○鏡若

常允反○甲今至之長○釋曰在此者其職雖闕

又音允○甲者軍師所用在此宜也言甲今之鏡

者今古用物不同其名亦異古用皮謂之甲今用金

謂之鏡從金爲字也云司甲兵戈盾管之長者以其

此官下大夫又在上已

下皆上官故云長也

司兵中士四人府二人史四人胥二人徒二十人

○釋曰在此者按其職云掌五兵五盾及

授兵從司馬之法此亦爲軍事在此宜也

司戈盾下士二人府一人史二人徒四人

○釋曰在此者按

子戟○句于古侯其職云祭祀授旅賁故士戈

盾授舞者兵皆武事故在此也○戈今時句于戟

戟則二刃長丈六尺形既不同鄭云戈句于戟而爲

司弓矢下大夫二人中士八人府四人史八人胥八人

徒二十人○釋曰在此者按

爲句于亦名胡于故

號戈爲句于戟也

司弓矢下大夫二人中士八人府四人史八人胥八人

徒八十人

司弓矢司弩矢箠官之長

音箠

之長。釋曰在此者按其職云掌六弓四弩八矢給武之所用在此宜也云司弓矢司弩矢箠官之長者司弓矢下大夫已下繕人橐人皆士官故得與之為長也鄭云司弓弩即繕人也

繕人上士二人下士四人府一人史二人胥二人徒二

十人

繕之言勁也善也

在此者按其職云掌王之用司弩矢箠亦是武事故在此也云繕之言勁也善也者以其所掌弓弩有堅勁而善堪為王用者乃入繕人以共王故鄭為此解之也

橐人中士四人府二人史四人胥一人徒二十人

司農云橐讀為芻橐之橐箭幹謂之橐此官主弓弩

箭矢故謂之橐人

○橐古老反幹如字沈古旱反

按其職云掌六弓八矢四弩是軍事所用故在此也先鄭云箭幹謂之橐按冬官矢人云以其箭厚為之羽深後鄭云箭讀為橐謂矢幹古文假借字則此橐人非直掌矢橐兼主弓弩矢箠等而云橐人者以橐為主耳故云此官主弓弩箭矢故謂之橐人

戎右中大夫二人上士二人

古者參乘此充戎路之

右田獵亦為之右焉

○乘繩證反

在此者皆是防衛之官故皆在此云古者參乘者若在軍為元帥則將居鼓下將在中御者在左若凡乎兵車則射者左御者居中若在國則尊者在左御者亦中央其右是勇力之士執干戈常在左右故云右者參乘也云此充戎路之右田獵亦為之右者按中車玉路有五按下文僕亦有五惟此戎右已下有三

司農疏

卷三十一

禮記

不見玉路祀之右又不見木路田路之右故以田戎
相類齊祀相因故以類相兼故戎右兼田右齊右兼
祀右若然僕有五不兼者僕難於右是以六襲之中
有五御而不言右也按巾車玉路居前戎路在後此
右在前又戎右大夫齊右下大夫道右上士戎右官
人尊者夏官主事尚威武故戎右居前使官尊也

齊右下大夫二人

充玉路金路之右

○齊側皆反下

齊僕并註同

禮云立如齊註齊謂祭祀時則齊雖施於祭前當
祭時亦名齊故得兼金玉二路
而鄭不言亦以其齊同故也

道右上士二人

充象路之右

○釋曰

充象路之右○釋曰在朝所以行道是

以名車為道車以中車五路差之上已有玉金革木
之等此道右當充象路之右可知不兼而官卑者以
其上四事簡故使兼此道右每日視朝行事繁
故不兼以其事卑於齊戎之等故官職卑也

大馭中大夫二人

馭之最尊

○馭

音御

○釋曰

馭之最尊○釋曰在此者亦

是衛守之事在此宜也云馭之最尊者以其御王路
以祀故云最尊以是特尊不與下同名僕而謂之大
馭也若然戎右在前尚威武此戎僕在前者以其僕
雖駕馭為難仍非武事故退戎僕於後進大馭於前
也仍尊戎僕在齊僕之上而使
中大夫為之與戎右尊卑同也

我僕中大夫二人

馭言僕者此亦侍御於車

於車○釋曰

大僕已下言僕並是侍御之官解僕

今此馭車之人亦言僕者在車亦是侍御之類故云
亦侍御
於車也

齊僕下大夫二人

古者王將朝覲會同必齊所以敬

宗廟及神明

○朝直遙反
後朝覲皆同
齊而敬神明者接曲禮

下註云春夏受誓於朝受享於廟秋冬一受之於廟是朝覲敬宗廟按覲禮及司儀會同之時設方明於壇上設六玉以禮方明之神是會同敬神明巾車云金路建大旂以賓則金路主為賓路賓路則諸侯與王行朝覲會同之禮故鄭以朝覲會同以釋齊也

道僕上士十有二人釋曰王朝朝莫夕主御主以與諸臣

行先王之道釋曰朝朝上如字下直遙反莫音暮釋曰王朝至之道

下至齊僕皆二人唯戎右與道僕人數多者則戎右有所斬殺故左氏傳晉縛秦囚萊駒為右使萊駒斬之故人多也道僕所以特多者以朝夕在朝來往駕脫難而且煩故人最多也鄭云王朝朝莫夕主御者此釋人多之意云王以與諸臣行先王之道者此釋稱道之言也

田僕上士十有二人釋曰田僕亦多者王有田時之田亦有園圃遊獵及版

獸之等亦是事繁而難故亦特多也

馭夫中士二十人下士四十人釋曰馭夫云掌馭貳車從車使

車之等馭僕之類故亦在此馭夫總六十八人按校人三乘為阜阜一趣馬三阜為繫繫一馭夫則馬三十六匹一馭夫計良二千一百六十四匹則六十馭夫又六六麗一師六師一趣馬六趣馬一馭夫則一馭夫主四百三十二匹驚千二百九十六匹則馭夫三人并前六十三人與此不合者蓋此序官脫三人也

校人中大夫二人上士四人下士十有六人府四人史

一人胥八人徒八十人釋曰校之為言校也主馬者必

仍校視之校人馬官之長釋曰校戶教反字從木若從手旁作是比校之字耳今

人多亂之註校人至十人釋曰在比者以馬共校之校人同軍所用故其職云凡軍事物馬而頒

之故在此官特尊而多者以王馬多故也。○**校**之至之長。○釋曰云校之為言校也者請從曲禮與少儀效馬效羊取效見義以其養官畜者必效見之故鄭云主馬者必仍校視之仍者相仍有時數數程見之也云校人馬官之長者與下趣馬至剛人為長有事皆取長官法度

趣馬下士阜一人徒四人 **趣馬**趣養馬者也鄭司農

說以詩曰**騶維趣馬**才阜反趣養精須反又七口反

一音七句反 **騶**居衛反 **騶**趣馬至趣馬。釋曰在此者按其

云趣馬趣養馬者故在此也先鄭藏以詩云騶惟趣馬者彼詩是刺幽王之詩其詩臣名騶惟作趣馬之

官權寵之例引以證趣馬是官名也

巫馬下士二人醫四人府一人史二人賈二人徒二十

人 巫馬知馬祖先牧馬社馬步之神者馬疾若有

犯焉則知之是以使與醫同職 **巫馬**至十人。○釋

馬病故連類在此也有賈者治馬死生須知馬價故

有賈人也。○**巫馬**至同職。○釋曰馬祖之等並在

下文有人犯者與為祟巫則知之為之謝過必與醫

同職者巫言無祟則是時氣及損傷付醫治之故二

官同 職也

牧師下士四人胥四人徒四十人 主牧放馬而養之

○牧舊音目劉 **主牧**放馬而養之。○釋曰在此

音茂沈音木 **者**按其職云掌牧地是放馬故與

校人連類 在此也

廋人下士閑二人史二人徒二十人 廋之言數。○廋

所求

反數色也。反數之同。○釋曰在此者按其職云。馬官連類。在此也。

圍師乘一人徒二人圍人良馬匹一人駑馬麗一人

養馬曰圍四馬為乘良善也麗耦也。○釋曰在此者按其職云。掌養

如。○釋曰在此者以其掌養馬也。○釋曰在此者按其職云。掌養

馬芻牧之事以役圍師亦。是為馬故亦連類在此也。

職方氏中大夫四人下大夫八人中士十有六人府四

人史十有六人胥十有六人徒百有六十人

也主四方之職貢者職方氏主四方官之長

之長。○釋曰在此者司馬主九畿職方制其貢事。成故在此官尊而人多以其主天下人民貢賦之事。事繁故也。云主四方官之長者與下諸言方者為長也。

土方氏上士五人下士十人府二人史五人胥五人徒

五十人

曰在此者按其職云以土地相宰而建邦國都。鄰與職方連類在此也。故主四方邦國之土地。

懷方氏中士八人府四人史四人胥四人徒四十人

懷來也主來四方之民及其物。○釋曰在此者按其

職云掌來遠方之民致方貢致方貢致遠物故與職方連類在此也。

合方氏中士八人府四人史四人胥四人徒四十人

合方氏主合同四方之事釋曰合方至之事○釋曰

天下之道路通其財利同其數器故註云主合同四方之事故亦連類在此也

訓方氏中士四人府四人史四人胥四人徒四十人

訓道也主教道四方之民○道音訓道至之民

按其職云掌道四方之政事與其上下之志誦四方之傳道故註云教導四方之民故連類在此也

形方氏中士四人府四人史四人胥四人徒四十人

形方氏主制四方邦國之形體○釋曰形方至形體○

職云掌制邦國之地域而正其封疆故註云主制四方邦國之形體故連類在此也

山師中士二人下士四人府二人史四人胥四人徒四

十人山師○釋曰在此者按其職云掌山林之

一異之物按王制云名山大澤不以封故天子立山師以遙掌之使貢故與職方亦連類在此也

川師中士二人下士四人府二人史四人胥四人徒四

十人川師○釋曰在此者按其職與山師同故亦連類在此

邊師中士四人下士八人府四人史八人胥八人徒八

十人邊地之廣平者○釋曰邊地之廣平者○

云掌四方之地名辨其丘陵墳衍原隰之名故連類在此也註云邊地之廣平者爾雅文也

匡人中士四人史四人徒八人匡正也主正諸侯以

法則匡人至八人○釋曰在此者按其職云掌達法則匡邦國而觀其愆使無敢反側以聽王

命註云主正諸侯以
法則故連類在此也

擇人中士四人史四人徒八人釋曰擇人主擇序王意以

語天下釋曰擇他南反與釋曰擇人至天下釋曰在

道國之政事以巡天下之邦國而語之故註

云主擇序王意以語天下故連類在此也

都司馬每都上士二人中士四人下士八人府二人史

八人胥八人徒八人釋曰都王子弟所封及三公采

地也可馬主其軍賦釋曰都司至十人釋曰言每都

臣為司馬遙掌都內故其職云掌都之士庶子及其

衆庶車馬兵甲之戒令聽於國司馬既足軍故在此

也釋曰都王至軍賦釋曰鄭據何知都惟有王子

弟所封及三公采地不通卿大夫者按司馬云諸侯

則其熊侯豹侯卿大夫則其麋侯卿不入諸仁之中
故知義然云司馬主其軍賦者即司馬法云成出士

十人徒二十人之等
並是都司馬所主也

家司馬各使其臣以正於公司馬釋曰家卿大夫采地正

猶聽也公司馬國司馬也卿大夫之采地王不特置

司馬各自使其家臣為司馬主其地之軍賦往聽政

於王之司馬王之司馬其以王命來有事則曰國司

馬釋曰家卿至司馬釋曰去家卿大夫采地者按

載師職家邑任稍地謂大夫采地小都任縣地

謂卿之采地大都任疆地謂三公采地則卿入小都

中今此經直言家而小都入家中不在上都中者司

馬主軍事嚴凝為主須辨尊卑故依司裘卿與大夫

不得稱諸侯者為家又不使王臣為之也若然王宗

人家宗人及都士家士皆使王臣為之者都家辛人
有祖王之廟九皇六十四民主所當祭故使王臣為
之都家之士以獄訟刑罪王政之重非王臣不決故
亦使王臣為之但非嚴凝故卿入都耳云王之司馬
其以王命來有事則曰國司馬者其職云以
聽於國司馬對此從下向上則公公司馬

周禮註疏卷第二十八終

周禮註疏卷第二十九

漢鄭氏註

唐賈公彥疏

大司馬之職掌建邦國之九灋以佐王平邦國

灋 大司至邦國。釋曰此九灋已下皆言邦

也正也。國則施於諸侯為主故云邦國也云以佐

王平邦國者九灋以糾察諸侯使之成正故以平言

之也但此九灋據殷周之時建之故大行人云殷周

以施天下之政註云政謂邦國之灋也。制畿封國以

則殷周之時司馬明布告之故云建也。制畿封國以

正邦國。封謂立封於疆為界。音祈。制畿至邦國

諸侯五百四百里之等各有所。設儀辨位以等邦國

周禮疏 卷二十九 大司馬

國 儀謂諸侯及諸臣之儀辨別也別尊卑之位○別

反下○釋曰鄭知儀中有諸侯及

皆同○諸臣者以此經云等邦國按大行人云以九

儀辨諸侯之命等諸臣之爵鄭云九儀謂命者五公

侯伯子男也爵者四孤卿大夫士也知九儀中唯有

諸侯諸臣無天子之臣按大宗伯云以九儀之命正

邦國之位註云每命異儀則九儀之中謂一命以至

九命之儀其中有六命八命并九

命作伯兼有王臣則與此異也 **進賢興功以作邦**

國 興猶舉也作起也起其勸善樂業之心使不惰

廢○樂業如字又音 **建牧立監以維邦國**

有德行未遇爵命者進之使稱才任用興舉也臣有

功者舉之亦使任用作起也以臣有賢有功舉之與

官則起邦國之內勸善樂業也 **建牧立監以維邦國**

業之心使不惰廢善業也 **建牧立監以維邦國**

州牧也監監一國謂君也維猶連結也○監古

至邦國○釋曰二百一十國以為州州有牧使滯持

諸侯又一國立一監以監察一國上下相維故云以

維邦國也此則太宰云 **制軍詰禁以糾邦國**

建其牧立其監亦一也 **制軍詰禁以糾邦國**

窮治也糾猶正也○詰去 **制軍詰禁以糾邦國**

軍小國一軍也詰禁者按士師有五禁天子禮此諸

侯國亦當有五禁以相窮治相糾正故云以糾邦國

也 **施貢分職以任邦國** 職謂職稅也任猶事也事

以其方之所堪○施貢至邦國 **施貢分職以任邦國**

三之一小國四之一皆由天子施之此大宰九貢并小

行人春令入貢皆是歲之常貢與大行人因朝而貢

者異也分職者即太宰所云九職是也彼據畿內此

據諸侯諸侯邦國亦由天子分之使民有職業因使

稅之所稅者市之以克貢若然言貢據向天子而言云稅據民所為為說事相因皆所以任邦國故云以

任邦國也簡稽鄉民以用邦國簡謂比數之稽猶計也○鄉許簡稽至邦國○釋曰註云簡謂比數之稽

用邦國也均守平則以安邦國均守至邦國○釋曰言者守大卑者守小則法也均守謂五等諸侯有五

等受地五百里已下是均守也平則者則法也謂五等職貢之等皆有常法則邦國獲安故云以安邦國

比小事大以和邦國比猶親使大國親小國小國事大國相合和也易比象曰先王以建萬國親諸侯

○比毗志比猶至諸侯○釋曰按司儀有五等反下同諸侯自相為賓亦有五等諸侯之臣相

為國客按春秋有小國朝大國大國聘小國故鄭云使大國親小國釋經比小也云小國事大國釋經事

大使相合和故云以和邦國也引易比象者其卦坤下坎上坤為土坎為水水得主而流土得水而柔是

水土和合故象先王建萬國親諸侯謂法卦以九伐

之灋正邦國諸侯有違王命則出兵以征伐之所

以正之也諸侯之于國如樹木之有根本是以言伐

云○伐如字諸侯至伐云○釋曰鄭云諸侯有劉扶發反違王命則出兵以征伐之所以正之

也者比經與下文為口則下九者皆是違王命者也若然按下文九者唯唯有賊賢害民一者稱伐其餘八

孔子云伐一木不以其時非孝子是樹木稱伐此九
伐施於邦國在於時會之時是以大行人云時會以
發四方之禁註云禁謂九
伐之法是當時會者也
馮弱犯寡則皆之
馮猶

乘陵也言不字小而侵侮之青猶人青瘦也王霸記

曰四面削其地○馮皮水反皆所
馮
○馮猶至其地

據以強陵弱云犯寡據以大侵小如此者青瘦其地

使不得強大也引王霸記者其記王及霸事者云四
面削其地者對下文削之

者示四面削之為異也
賊賢害民則伐之
春秋

傳曰粗者曰侵精者曰伐又曰有鐘鼓曰伐則伐者

兵入其竟鳴鐘鼓以往所以聲其罪
○粗音麤本亦

賊賢
○春秋至其罪○釋曰云賊賢者亂王所任同已

臣俱惡重賦多盜其民被害故曰害民如此者則聲
鐘鼓伐之也引春秋傳者按莊十年二月公侵宋公
羊傳曰斫者曰侵精者曰伐何休云猶麤也彼不言
麤此言麤者鄭讀傳與何異斫即麤義亦同也又曰
有鐘鼓曰伐者此莊二十九年夏鄭人侵許左氏傳
曰凡師有鐘鼓曰伐無曰侵引此二者皆證侵輕伐
重之
暴內陵外則壇之
○內謂其國外謂諸侯壇讀

如壇之壇王霸記曰置之空壇之地鄭司農云壇

讀從禪之以威之禪書亦或為壇玄謂置之空壇以

出其君更立其次賢者
○壇依註作禪音善禪之以

暴內至壇之
○釋曰暴內即上去賊賢害民是也

陵外即上云馮弱犯寡是也上二文各有其一故

伐之音之不奪其位此則內外之惡兼有故壇之奪
其位立其次賢
○內謂至賢者○釋曰鄭云讀如

禮記卷之三十一 及古

同墾之墾從金藤三墾同墾之墾取其除地曰墾謂
置之空地先鄭讀從憚之以威之憚此罪既重而直
憚之於義不可故後鄭還從王霸記為正鄭知立其
次賢者以其古者不滅國故知更立次已下賢子弟

野荒民散則削之
野荒民散則削之○釋曰古者

明其不能有○音無野荒民散則削之○釋曰古者

民居必參相得無曠土無遊民今言野荒民散由君

政惡民故適彼樂國故民散而野荒是其君不能有

之故削**負固不服則侵之**負猶恃也固險可依以圍

者也不服不事大也侵之者兵加其竟而已用兵淺

者詩曰密人不恭敢距大邦**負固不服則侵之**○

釋曰謂倚恃險固不
服事大國則以兵侵之使弱其勢也○**負固不服則侵之**
邦○釋曰云固險可依以圍者也者謂若僖四年楚

屈完云楚國方城以為城漢水以為池雖君之衆無

所用之是其負固不服也云不服不事大即上云此

小事大是其服者也云川兵淺者對伐是用兵深者

以其罪輕直侵之而已也詩云者大雅皇矣篇引之

者證不**賊殺其親則正之**正之者執而治其罪王

霸記曰正殺之也春秋僖二十八年冬晉人執衛侯

歸之于京師坐殺其弟叔武○坐才○武○釋曰鄭

云正之者執而治其罪者其正未必即是殺但賊殺

其親其罪尤重故以正為殺解之是以王霸記以正

為殺也引晉人執衛侯歸于京師京師據洛邑而言

也云坐殺其弟叔武者按彼傳晉侯伐衛衛侯出奔

楚晉侯敗楚於城濮其弟以受盟既受盟國則無罪

衛侯即入將入與弟叔武為期衛侯先期入叔武將

沐則君至喜捉髮走出前驅欲大射而殺之衛侯知

其無罪枕之股而哭之元恒舊在國是叔武黨見衛

侯殺弟遂訴衛侯於晉晉以衛侯有罪諸侯不相治
罪遂既衛侯歸于京師時使醫衍既衛侯甯俞貨醫
衍薄其醜不死是坐 **放弑其君則殘之** **放逐也殘**

殺也王霸記曰殘滅其為惡 **殺同音試** **至為惡**

○釋曰鄭以逐解放則若季氏逐昭公之類是也鄭

雖不解弑其君則若慶父弑二君及崔杼弑君之類

是也鄭云殘殺者以殺解殘也經本不言殺不言滅

云殘者蓋取殘賊殺之殺之苦毒故尚書梓材云戕

賊人宥註戕殘也又云無胥戕無胥虐註云無相殘

賊無相暴虐是戕為殘賊也異義鄭君以為左氏宣

十八年秋七月云邾人戕鄆子于鄆傳曰凡自內虐

其君曰弑自外曰戕即邾人戕鄆子是也自內弑其

君曰弑者晉人弑其君州蒲是也雖他國君不加虐

亦曰殺若加虐殺之乃謂之戕之取殘賊之意也若

自上殺下及兩下自相殺之等皆曰殺若然此經云

殘者是加虐殺之雖非他國君至於賊臣亦云殘也

犯令陵政則杜之 **令猶命也王霸記曰犯令者違**

命也陵政者輕政灑不循也杜之者杜塞使不得與

鄰國交通 **令猶至交通** ○釋曰鄭訓令為命者

但犯命陵政是不受上命不通之 **外內亂鳥獸行則**

事故還杜塞之使不與四鄰交通 **外內亂鳥獸行則**

滅之 **王霸記曰悖人倫外內無以異于禽獸不可**

親百姓則誅滅去之也曲禮曰夫唯禽獸無禮故父

子聚麀 ○行下孟反悖必內反去起呂 **聚麀** ○釋

曰外亂謂若齊襄公淫於外魯桓夫人文姜之等是

也內亂謂家內若衛宣公上烝父妾下納子妻之等

是也引曲禮者鹿之父子聚麀獸之亂不言鳥之亂

義可知故略而不言也按春秋公羊左氏說凡征戰

有六等謂侵戰伐圍入滅用兵麤猶不聲鐘鼓入境而巳謂之侵侵而不服則戰之謂兩陳交刃戰而不服則伐之謂用兵精而聲鐘鼓伐而不服則圍之謂市其四郭圍而不服則入之謂入其四郭取人民不有其地入而不服則滅之謂取其君此皆舉重而言假令先入後滅書入舉重已外盡然

正月之吉始和布政于邦國都鄙乃縣政象之灋于象魏使萬民觀政象挾日而歛之

以正月朔日布王政於天下至正歲又縣政灋之書挾日十日也

○縣音玄註同始直史反挾正月至斂之○釋曰正月謂周正建子之子協反月之吉謂朔日始和凡政有故言始和者若改造云耳布政于邦國都鄙者謂上九灋九伐并下凡令以下皆此時布之邦國據畿外都鄙據畿內不言鄉遂及公邑布政可知此則徧天下也云乃縣已下亦謂正歲乃縣之一與大宰同不復具釋也

乃以九畿之籍施邦國之政職方千里曰國畿其外

方五百里曰侯畿又其外方五百里曰甸畿又其外

方五百里曰男畿又其外方五百里曰采畿又其外

方五百里曰衛畿又其外方五百里曰蠻畿又其外

方五百里曰夷畿又其外方五百里曰鎮畿又其外

方五百里曰蕃畿○畿循限也自王城以外五千里

為界有分限者九籍其禮差之書也政職所共手政之職謂賦稅也故書畿為近鄭司農云近當言畿春

秋傳曰天子一畿列國一同詩殷頌曰邦畿千里維

民所止。○分符問反共音恭凡。○乃以至蕃畿。○釋
 者謂以而五千里為九畿皆有典籍之書今大司馬
 以此籍書施其政職之事於邦國諸侯也云方千里
 曰國畿者此據王畿內千里而言非九畿之畿但九
 畿以此國畿為本向外每五百里加為一畿也云侯
 者侯也為天子侯非常也云甸者為天子治田以
 出賦貢云男者任也任王者之職事云采者采取美
 物以其天子云衛者為天子衛守云蠻者蠻也以近
 夷狄際繫之以政教自此以上六服是中國之九州
 自此已外是夷狄之諸侯此蠻服出大司徒云要服
 亦一也言要者亦見要天以文教也云夷者以夷狄
 而得夷稱也云鎮者蓋中國稍遠理須鎮守云蕃者
 以其最遠故得蕃屏之稱此三服總號蕃服故大行
 人云九州之外謂之蕃國世一見指此三服也此云
 者衛服之內各舉一邊而言其實通稱唯蠻服以外
 直據彼為號不通中國之言也。○畿猶至所止。○
 釋曰云王城以外五千里為界者兩面相距則方萬

里此則易之一君二民之地若然堯舜之時因應萬
 里而五服面二千五百里兩面相距止有九千里無
 萬里者此據未治洪水時服各五百里至禹治洪水
 之後躬成五服服加五百則亦萬里若孔君義則不
 然若據鳥飛直路此周之九服亦止五千若隨山川
 屈曲則禹貢亦萬里彼此不異也云九籍其禮差之
 書也者諸侯賦貢多少有常則大國貢半次國三之
 一小國四之一是其禮差也云政職所共王政之職
 謂賦稅也者按大宰云以九職任萬民據畿內此九
 職亦施與邦國則此政職也但施職事與之使萬民
 勤職而出賦稅諸侯得之以半與三之一四之一市
 取上毛以貢之則禹貢篚貢是也據民而出謂之賦
 稅據諸侯所送謂之貢也引春秋傳者按襄二十五年
 年鄭子產對晉云昔天子之地一圻列國一同今大
 國多數圻矣若無侵小何以至焉殷頌邦畿千里
 是殷頌玄鳥詩之言引此二者證王畿千里之義凡
 令賦以地與民制之土地食者參之二其民可用者

家三人中地食者半其民可用者二家五人下地食者參之一其民可用者家二人

注

賦給軍用者也令

邦國之賦亦以地之美惡民之眾寡為制如六遂矣

鄭司農云上地謂肥美田也食者參之二假令一家

有三頃歲種二頃休其一頃下地食者參之一田薄

惡者所休多

○ 令力

注

凡令至二人

據邦國諸侯而說也此經有三等之地按小司徒注

云有夫有婦然後為家自二人以至於十人為九等

七六五者為其中則地有中下各分為三等九等

則十口食上上九口食上中八口食上下七人食中

上六人食中中五人食中下四人食下上三人食下

中二人食下下又按遂人上地夫一廛田百畷萊五

十畷中地家二百畷下地家三百畷與此上地是二

參之二合故鄭云邦國如六遂矣若然則上地是二

下之地應家八人一人為家長可任者當云家七人

今云家三人者經欲互舉以明義故以中地之上家

七人見出上地之下八人者明亦有上地之中上地

之上又言下地食者參之一其民可用者家二人地

即據下地之下人即據中地之下家五人者亦是互

舉以明義故地舉其下人舉其中欲見亦有下地三

等其地及人也先鄭云食者參之二假令一家有三

頃歲種二頃休其一頃者舉上地只應云一項五十

畷而云三頃者直取參之二

舉整言之或并二家而說也

中春教振旅司馬以旗

致民平列陳如戰之陳

以旗者立旗期民於其下

也兵者守國之備孔子曰以不教民戰是謂棄之兵

者凶事不可空設因蒐狩而習之凡師出曰治兵入

禮記

卷之三十六

禮記

曰振旅皆習戰也四時各教民以其一焉春習振旅
兵入收衆專於農平猶正也
○中音仲下放此陳直
觀反下之陳可陳陳前
以旗至正也○釋曰鄭
以意求之蒐所留反
云以旗者立旗期民於其
下也者謂大司馬素有田獵之期日今至期日立熊
虎之旗於期處以集衆故云期民於其下云兵者守
國之備者鄭欲解田獵者所以習兵故云兵是守國
之備引孔子語欲見須田獵以教戰云兵者凶事者
隱公傳文云不可空設因蒐狩而習之者蒐狩是田
獵之名欲行蒐狩先芟草萊殺戰訖乃入防田獵故
云因蒐狩而習之是以書傳文戰鬪不可空習故於
蒐狩以閑之閑之者習之是其習兵因蒐狩也云凡
師出曰治兵入曰振旅皆習戰者按莊公八年正月
師次於郎甲午祠兵公羊傳曰祠兵者何出曰祠兵
註云禮兵不徒使故將出兵必祠於近郊陳兵習戰
殺牲饗士卒又曰入曰振旅其禮一也皆習戰也左

氏說治兵於廟禮也註云三年而治兵與秋同名兵
華將出故曰治兵穀梁傳亦云出曰治兵習戰也入
曰振旅習戰也鄭玄於異義駁不從公羊云祠兵故
云祠兵者公羊字之誤因而作說之亦不從左氏說
治兵爲授兵於廟云於周司馬職曰仲夏教於舍仲
秋教治兵其下皆云如戰之陳仲冬教大閱脩戰法
虞人萊所田之野乃爲之如是治兵之屬皆習戰非
授兵於廟又無祠五兵之禮是以爾雅釋祭云出爲
治兵尚成武也入爲振旅反尊卑也言反尊卑者出
則壯者在前老弱在後入則壯者在後老弱在前是
以鄭此云振旅兵入收衆專於農也云四時各教民
以其一焉者春教振旅夏教芟舍秋教治兵至冬大
閱是各教也辨鼓鐸鑼鏡之用王執路鼓諸侯執賁鼓
軍將執晉鼓師帥執提旅帥執鼙卒長執鐃兩司馬
執鐸公司馬執鑼

禮疏

卷之二十一

禮古制

是鼓金奏與諸相應故也不用馨鼓者鼓役事之鼓
故不用云伍長謂之公司馬者雖甲同其號者按諸
官大夫乃與大官同號宰夫已下并上士中士下士
皆不得與大官同號今於序官大司馬之下上士得
號行司馬及在軍二十五人長中士號兩司馬五人
長下士號公同馬皆與大官同號者以司馬主軍軍
事主嚴雖卑以教坐作進退疾徐疏數之節習戰
得同號也

灋 ○疏數音朔以教至之節也釋曰按下大閱禮
灋下計疏數同備軍法虞人萊所田之野下又云
中軍以舉令鼓鼓人皆三鼓已下有此坐作進退疾
徐疏數之節彼大閱具言於此略說有此坐作之法
此於教戰之處為之故鄭云習戰法也

遂以蒐田有司表貉誓民鼓遂

圍禁火弊獻禽以祭社 春田為蒐有司大司徒也
掌大田役治徒庶之政令表貉立表而貉祭也誓民

誓以犯田灋之罰也誓曰無干車無自後射立旌遂
圍禁旌弊爭禽而不審者罰以假馬禁者虞衡守禽
之之厲禁也既誓令鼓而圍之遂蒐田火弊火止也
春田主用火因焚萊除陳草皆殺而火止獻猶致也
屬也田止虞人植旌衆皆獻其所獲禽馬詩云言私
其縱獻肩于公春田主祭社者土方施生也鄭司農
云貉讀為禡禡謂師祭也書亦或為禡○貉莫駕反
反劉薄計反射食亦反下王射同縱子工註同弊婢世
反肩詩作研音同施式政反禡莫駕反○遂以至
釋曰按下大閱禮遂以狩田以下云以旌為左右和
之門羣吏各帥其車徒以教和出左右陳車徒有司

平之既陳乃設驅逆之車有司表貉于陳前此亦當如彼但春非太備故亦略言也言誓民者即下大閱禮羣吏聽誓於陣前鄭引月令司徒北面誓之是也云鼓者即下文軍中軍以鞀令鼓鼓人皆三鼓已下是也云遂圍禁者既誓令鼓而圍之云火弊者謂田止也云獻禽以祭社者此因田獵而祭非月令仲春祭社也○**國**春田至為禡○釋曰云春田為蒐者蒐搜也春時鳥獸字乳搜擇取不孳任者故以蒐為名云有司大司徒也者即大司徒職云大田役治其徒庶之政令故知有司是大司徒也云表貉立表而貉祭也者此即詩及爾雅云類也禡也師祭是也云誓民誓以犯田法之罰也者當司徒北而誓之時小子斬牲以左右巡陳也云誓曰無干車無自後射者此據漢田律而言無干車謂無干犯他車無自後射象戰陳不逐奔走又一解云前人已射中禽後人不得復射彼又云無面傷之等象降者不逆擊之云立旌遂圍禁者旌則下文大閱禮云旌居卒間者是也云旌弊者弊什也田止旌則什云爭禽而不審者罰以服

馬者謂獲禽所算之籌罰者謂效功時爭禽不審即罰去其籌云禁者虞衡守禽之厲禁也者按山虞皆云使地之民守其厲禁謂遮厲之禁不得非時入也若然按地官川衡小田獵之所無厲禁之事言衡者川林或有與山澤連者則亦有厲禁之事故連言之也 **中夏教芟舍如振旅之**

陳群吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅**國**芟讀如萊沛之沛芟舍草止之也軍有草止之灋撰讀曰算算車徒謂數擇之也讀書契以簿書校錄軍實之凡要號名者徽識所以相別也鄉遂之屬謂之名家之屬謂

之號百官之屬謂之事在國以表朝位在軍又象其制而為之被之以備死事帥謂軍將及師帥旅帥至伍長也以門名者所被徽識如其在門所樹者也凡此言以也象也皆謂其制同耳軍將皆命卿古者軍將蓋為營治於國門魯有東門襄仲宋有桐門右師皆上卿為軍將者也縣鄙謂縣正鄙師至鄰長也家謂食采地者之臣也鄉以州名亦謂州長至此長也野謂公邑大夫百官以其職從王者此六者皆書其官與名氏焉門則襄仲右師明矣鄉則南鄉甕東鄉

為人是也其他象此云某某之名某某之號某某之事而已未盡聞也鄉遂大夫文錯不見以其素信于民不為軍將或為諸帥是以闕焉夜事戒夜守之事

草止者慎於夜於是主別其部職

○葦蒲未反撰息轉反又什轉反註

音算息緩反沛步未反一音具又普具反數色主反簿步古反後簿書皆放此識音志一音試下同朝位直遙反被皮偽反下同治直吏反
比毗志反蠶直偽反見賢遍反
陳者四時各教其一故春教振旅夏教發舍但設經不可文具設故云如振旅之陳皆轉相如也云羣吏撰車徒者羣吏謂軍將至伍長各有部分皆選擇其在車甲士三人步徒七十二人之等云讀書契者書契謂兵士簿書之要契此小宰之八成云師田以簡稽一也云辨號名者此帥以門名已下是也
○

爰讀至部職○釋曰爰讀如萊沛之沛者按王制云
 居民山川沮澤註云沮謂萊沛時俗有水草謂之萊
 沛故讀從之也云爰舍草止之法云數擇之也者以草釋爰以止
 釋舍故即云軍有草止之法云數擇之也者以解與
 為數擇取其善者云軍實之凡要者凡軍有三種或
 以俘囚為軍實或以戈盾弓矢為軍實或以禽牲為
 軍實今此所云軍實者據兵器為軍實凡要即名籍
 之總名也云號名者微識者即上註三者旌旗之細
 者也云所以相別也者皆綴之於膊上以別死者也
 云鄉遂之屬謂之名者言之屬即經云縣鄙是遂之
 屬從縣鄙至鄰里州是鄉之屬從州至此長故言之
 屬以總之云家之屬謂之號者謂都家之內從大夫
 至上六百官之屬謂之事者從王朝六卿已下至下
 士野以邑名鄭雖不言亦在鄉遂之例以其同是溝
 洫之人出軍出貢又等故知亦入名中也其號也言
 也事也三者據經而言云在國以表朝位者即觀禮
 云上介各奉其君之旂置于宮者是也云凡此言以
 也象也皆謂其制同耳者以謂若經云帥以門名已

下至野以邑名已上五者皆言以也惟百官云象是
 以也象也此六者以象雖異其制則同皆小旂旗也
 云軍將皆命卿者欲解帥以門名之意止由卿居於
 因門使為軍將故軍將得以門為名云古者軍將蓋
 為營治於國門者此解軍將得以門為名者只由非
 常之急要在於門故使卿在門住而營治其門故也
 云魯有東門襄仲者按昭三十二年左傳云魯文公
 薨而東門遂殺適立庶魯君於是乎大國公子遂字
 襄仲號為東門只由居東門宋有桐門右師者按春
 秋左氏傳昭二十五年春叔孫婁聘於宋桐門右師
 見之註云右師宋師樂大心也其室居桐門故曰桐
 門右師是宋有桐門右師也引之證將帥得以門名
 之事經直云縣鄙鄭知鄰長若以其在軍之時從遂
 大夫已下至鄰長皆在今略言縣鄙明皆有也云家
 謂食采地者之臣也者食采地是公卿大夫其身
 朝其臣在采地若公山弗擾之類今隨主在軍故以
 家號為名也鄉以州名亦謂州長至此長者亦如六
 遂自卿大夫已下至此長皆在今略舉州為首也云

野謂公邑大夫者謂為四等公邑若載師職公邑自
 甸以出至五百里其長二百里三百里如州長四百
 里五百里如縣正長下皆有屬官在軍者皆以其職
 名云百官以其職從王者謂三百六十官各以其職
 事從王在軍若大宰下六十官隨其長從王皆以事
 為號也云此六者皆書其官與名氏焉者六者謂經
 五以一象假令為官則云大司徒下某官姓名某也
 云門則實仲右師明矣者經直云帥以門名恐直以
 門為名不加官與名字諸官皆須名氏明門亦有官
 與氏名故云明矣云鄉則南鄉甄東鄉為人是也者
 甄與為人皆當時鄉名故舉以為況云其他象此者
 此鄭略舉門名與鄉名其他仍有縣鄙與家野百官
 亦依此而稱焉云某某之名者即經云門縣鄙鄉野
 四者皆是某某之名謂若門名當云桐門右師之下
 某官某姓某甲之名三者皆放此云某某之號者即
 經云家以號名是也謂若魯之費邑即云費邑之下
 某官某姓某甲之號云某某之事者即經云百官各
 象其事謂若地官之下則云大司徒之下某官某姓

某甲之事云未盡聞也者鄉來所釋六者略謂帥以
 門名鄉以州名舉以為況其餘未聞故云未盡聞也
 云鄉遂大夫文錯不見者此經六遂直云縣鄙不言
 遂六鄉言以州名雖見鄉亦不見鄉大夫之身其文
 交錯不見鄉遂大夫故云文錯不見也云以其素信
 於民者兵書孫子云素信者與眾相得是也舊素與
 民相信者必情義相得故鄉遂之官還使為軍吏云
 不為軍將或為諸帥是以闕焉者管子云因內政寄
 軍令則鄉遂大夫已下至此長鄰長皆因為軍吏以
 領本民在上或別使人為軍將則鄉遂大夫別領人
 為師帥旅帥以下經在軍吏帥以門名之內故闕鄉
 遂大夫也必知有別使人為軍將法者見外傳穆公
 云天子作師公帥之以征不德詩曰周公東征四國
 是違此茲上公為軍將詩云韎韐有奭以作六師此
 乃諸侯世子為軍將田獵亦容如此於是時鄉遂大
 夫則為諸帥也若然按下文云師都載旌鄉遂載物
 註云鄉遂大夫或載旌或載物衆屬軍吏無所將也
 者謂鄉遂大夫全無武用則諸帥亦不為則是衆屬

他軍吏已身全無所將故或載旛或載物不載旛義
與此不違也云於是主別其部職者經以辨軍之
職不與外交雜也

以享酌

國

夏田為苗擇取不孕任者若治苗去不秀

實者云車弊驅獸之車止也夏田主用車示所取物

希皆殺而車止王制曰天子殺則下大綏諸侯殺則

下小綏大夫殺則止佐車佐車止則百姓田獵酌宗

廟之夏祭也冬夏田主于祭宗廟者陰陽始起象神

之在內

○ 酌餘若反孕羊證反去

國

遂以至享酌○

起呂反綏而誰反下同 釋曰在敵戰之

處辨號若既訖遂人防行苗田之法云如蒐之法者

如上蒐時有司表祭誓民令鼓遂圍禁之等云車弊

及以享酌二者則與春異以其春時火弊祭社此時

車弊享酌也○**國**夏田至在內○釋曰以其春夏為

陽主其生長故春田為蒐搜取不孕任者夏田為苗

若治苗去不秀實者其義但春時主孕乳故以不孕

任解之也云車弊驅獸之車止也者夏田主用車示

所取物希者春秋左氏傳云彼徒我車懼其侵軼我

也是車行遲取獸少故知用車示取物希也引王制

曰天子殺則下大綏已下據殺訖而言毛詩傳云天

子發抗大綏諸侯發抗小綏者據始殺而言也云大

夫殺則止佐車王制註佐車驅逆之車按田僕云掌

佐車之設驅逆之車佐車似與驅逆之車別者但王

制佐車與田僕驅逆之車為一其田僕佐車自是田

車之貳曰佐佐文雖同其義則異也若然驅逆之車

言佐者能逐禽故以佐言之云酌宗廟之夏祭也者

大宗伯文云冬夏田土於祭宗廟陰陽始報象神之

司農疏

卷三十一

大司馬

象之而行祭也此祭因田獵

中秋教治兵如振旅之

陳釋曰言教治兵者凡兵出曰治兵入曰振旅春以入兵為名尚農事秋以出兵為名秋嚴尚成故也云如振旅之陳者如辨旗物之

用王載大常諸侯載旂軍吏載旗師都載旛鄉遂載

物郊野載旒百官載旗各書其事與其號焉其他皆

如振旅釋曰軍吏諸軍帥也師都遂大夫也鄉遂鄉大

夫也或載旛或載物衆屬軍吏無所將也郊謂鄉遂

之州長縣正以下也野謂公邑大夫載旒者以其將

美卒也百官卿大夫也載旗者以其屬衛王也凡旌

旗有軍旅者畫異物無者帛而已書當為畫事也號

也皆畫以雲氣

書音畫山註辨旗至振旅○釋氣本或作乞同曰按下文計以出

軍之旗則如秋則此經是在軍旌旗也云各書其事

與其號焉者此二者即是仲夏百官各象其事及號

名之等此秋雖不具辨號名亦舉舉之見四時皆有

此物也云其他皆如振旅者亦謂造作道退疾徐之

法如振旅之陳也釋曰軍吏

諸軍帥也者亦謂從軍將至下伍長皆是軍吏也云

師都遂大夫也鄉遂鄉大夫也者按司常云孤卿建

旛大夫士建物則鄉大夫是卿建旛是其常師都載

旛不嫌無卿大夫故鄭直舉遂大夫也云鄉遂鄉大

夫者以其遂大夫是中人夫建物是其常今鄉遂建

物不嫌無遂大夫故鄭直舉鄉大夫也云或載旛或

載物衆屬軍吏無所將也者鄉遂大夫若為軍將則

在軍吏載旛軍中領衆來時亦載旗今載旛載物不

載旗故知已之所管之衆屬他軍吏已無所將以其

已無武用非直不為軍將亦不為諸帥故全無所將

以是載旛載物而已若然既不為軍吏遂大夫上得

與卿同載旂鄉大夫則是卿下得與大夫同載物也
以鄉遂大夫掌衆同故同載物也俱兩載者以其不
爲軍將又不任鄉職卿大夫尊卑之常當載旂載物
而已故容其兩載也云郊謂鄉遂之州長縣正以下
也者郊內有六鄉州長已下郊外有六遂縣正已下
故知言郊有此三等人也云野謂公邑大夫者按載
師職云公邑之田任甸地郊外曰甸甸則郊外曰野
故以野言之但公邑自甸以出至疆五百里有四等
公邑皆有大夫治之故司馬法云二百里如州長四
百里五百里如縣正是公邑大夫也云載旂者以其
將姜卒也者以其大鄉之內上劑致民一家一人爲
正卒其餘皆爲姜卒六遂之內下劑致民家一人爲
正卒一人爲姜卒其餘爲餘夫正卒既屬軍吏其餘
姜卒使此州長已下等不爲軍吏者領之但公邑之
內雖不見有出軍之法若出軍亦當與鄉遂同以其
得爲溝洫法故也若出軍亦正卒使大夫等爲軍吏
其餘姜卒亦使不爲軍吏者領之云百官卿大夫也
載旂者以其屬衛軍也者以其天地四時之卿大夫

其屬各六十有選當行衛守王者卽是有衆故載鳥
隼之旂云凡旂旌有軍旅者畫異物者卽經天子諸
侯軍吏郊野百官是也云無者帛而已者鄉遂載旂
物是也云書當爲畫事也號也皆畫以雲氣者事卽
上百官言事號卽上家言號不言名此亦有名文畧
耳云畫以雲氣者鄭解經典言畫者皆以雲解之謂
畫五色也遂以彌田如蒐田之灋羅弊致禽以祀祊
秋田爲彌彌殺也羅弊罔止也秋田主罔中殺者
多也皆殺而罔止祊當爲方聲之誤也秋田主祭罔

方報成萬物詩曰以社以方
○彌息淺反祊音方出
註皆殺如字劉色界反
遂以至祀祊
○釋曰上文敎載旂旌物訖遂入防
行彌田之禮其法如蒐田之法云羅弊致禽以祀
祊者秋田主用羅羅止田畢入國過郊之神位乃致
禽以祀四方之神
○釋曰秋田至以方
○釋曰云祊當

為方聲之誤也者以禘乃是廟門之外內惟因祭宗廟及明日釋祭乃為禘祭今既因秋田而祭當是祭四方之神故云誤也云秋田主祭四方報成萬物者以秋物成四方神之功故報祭之云詩曰以社以方者詩大雅引之證也

中冬教大閱
春辨鼓鐸夏辨號名秋辨旗物至冬大閱簡軍實凡頒旗物以出軍之旗則如秋以尊卑之常則如冬司常佐司馬時也大閱備軍禮而旌旗不如出軍之時空辟實

辟音避

中冬教大閱
釋曰以冬時農隙故大簡閱軍實之凡要也

春辨至辟實
釋曰云春辨鼓鐸已下欲見春夏秋各教其一至冬大閱之時總教之故云至冬大閱軍實云凡頒旗物以出軍之旗則如秋以尊卑之常則如冬司常佐司馬時也者以其王與諸侯所建秋冬同又秋云軍吏建旗師都載旗鄉

遂載物郊野載旒百官載旗不言旌旌三者以其是出軍之法故不言道車游車所載大閱之時見其里建旗縣鄙建旒道車載旒游車載旌此為異也鄭云大閱備軍禮而旌旗不如出軍之時空辟實者大閱雖備禮是教戰非實出軍法是其空也秋教治兵治兵是出軍法故寄出軍之旗於彼是冬之空辟實出軍法者也趙商問巾車職建大麾以田註田四時田獵商按大司馬職四時皆建大常何鄭答曰塵夏之正色田雖習戰春夏尚生其時宜入兵夏本不以兵得天下故建其正色以春夏田至秋冬出兵之時乃建大常趙商又問巾車職曰建大白以即戎註云謂兵車司馬職仲秋辨其物以治兵王建大常註凡頒物以出軍之旗則如秋不知大白以即戎為何時答曰白者殷之正色王即戎者或命將或勞師前不自親將故建先王之正色異於親自將也

群吏戒眾庶脩戰灋
群吏鄉師以下

師以下

釋曰言前期者謂若大宰職云前期十日此亦在教戰前不必要十日前也知群吏鄉師以下者見鄉師職云凡四時之田前期出田法于州里簡其鼓鐸旗物兵器脩其卒伍是其事也言鄉師以下則不及鄉師是鄉大夫則卿也則可及州長故州長職云若國作民而師田行役之事則帥而致之掌其戒令與其實罰黨正云凡作民而師田行役則以其法治其政事族師亦云若作民而師田行役則合其卒伍簡其兵器以鼓鐸旗物帥而虞人萊所田之野為表百步至是其以下之事也

則一為三表又五十步為一表田之日司馬建旗于後表之中群吏以旗物鼓鐸鐳鏡各帥其民而致質明弊旗誅後至者乃陳車徒如戰之陳皆坐鄭司

農云虞人萊所田之野芟除其草萊今車得驅馳詩

曰田卒汚萊玄謂萊芟除可陳之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊什也皆坐當聽誓

○芟所銜反令力呈反下令剛反下行列行 虞人至皆坐○釋曰虞人者若田陳皆同什音赴 在澤澤虞若田在山山虞謂使其地之民於可陳之處芟除草萊故云萊所田之野云為表百步則一為三表者按下註引月令司徒北面以誓之此經云司馬建旗於後表之中車徒皆坐則此於可陳之中從南頭立表以北頭為後表也○鄭司至聽誓 釋曰先鄭云虞人萊所田之野芟除其草萊令車得驅馳者謂芟除其田獵之處故云令車得驅馳引詩者蓋田處草萊按王制云昆蟲未蟄不以火田則仲冬之時放火田獵何須芟除草萊是

以車攻詩毛傳云大艾草以為防然後焚而射焉是田處不得芟草萊故後鄭易之以為芟除可陳之處云後表之中五十步表之中央者謂從南表至北表云表所以識正行列也者於可陳之中央立此四表表兩相各有三軍之衆至表則間一而坐坐而更起是表正行列也云積二百五十步者以三表之間有二百步又加一表五十步故總為二百五十步也云左右之廣當容三軍者天子六軍左右之地各容三軍此鄭據天子六軍整數而言其實兼美卒之等故小司徒職云凡起徒役無過家一人惟田與追胥竭作鄭云國人盡行是非止六鄉之民六軍而已云步數未聞者但先南北二百五十步東西不言步數故云未聞也云皆坐當聽誓者下文群吏聽誓于陳前即云聽誓於陳前故先當聽誓也

群吏聽誓于陳前
斬牲以左右徇陳曰不用命者斬之
 群吏諸軍帥也陳前南面鄉表也月令季秋天子教于田獵以習

五戎司徒搢扑北面以誓之此大閱禮實正歲之中冬而說季秋之政於周為中冬為月令者失之矣斬牲者小子也凡誓之大略甘誓湯誓之屬是也

○許亮反搢劉如字又音箭一音初洽

○群吏至斬之○釋反扑普卜反甘如字劉胡甘反

○曰云群吏聽誓於陳前者士率皆於後表北面坐群吏諸軍帥皆在士卒前南面立以聽誓云斬牲以左右徇陳者從表左右向外以徇陳

○群吏至是也○釋曰云群吏諸軍帥者從軍將以至伍長謂象軍吏建旗者也引月令者證所誓者是司徒使司徒誓者此軍吏及士本是六鄉之民今雖屬司馬猶是已之民衆故使司徒誓之也云此大閱禮實正歲之中冬者周雖建子為正及其行事皆用夏之正歲則此經中夏中春中秋中冬皆據夏法也云而說季秋之政於周為中冬為月令者失之矣呂不韋作月令者以為此經中冬為

周之中冬當夏之季秋故說於季秋是失之矣按月
 令季秋云是月也天子乃教於田獵以習五戎班馬
 政云云註引中秋教治兵法王載大常已下為證不
 云失至此乃以月令是中冬教太閔法而言為月令
 者先鄭君兩解之以其彼云司徒誓眾與此誓眾之
 等同故為大閔彼為治兵法者以彼文授車以等級
 乃命主祠祭于四方又與中秋治兵者同故彼為治
 兵法也云斬牲者小子職云凡師田斬牲以左右徇
 陳是也云凡誓之大略甘誓湯誓之屬是也者甘誓
 是啓與有扈戰湯誓是湯伐桀誓眾辭言之屬者仍
 有大誓費誓之
 等故云之屬 **中軍以鼙令鼓鼓人皆三鼓司馬振**
鐸群吏作旗車徒皆作鼓行鳴鐻車徒皆行及表乃
正三鼓攬鐸群吏弊旗車徒皆坐 **中軍中軍之將**
也天子六軍三三而居一偏群吏既聽誓各復其部

曲中軍之將令鼓鼓以作其士眾之氣也鼓人者中
 軍之將師帥旅帥也司馬兩司馬也振鐸以作眾作
 起也既起鼓人擊鼓以行之伍長鳴鐻以節之伍長
 一曰公司馬及表自後表前至第二表也三鼓者鼓
 人也鄭司農云攬讀如弄玄謂如涿鹿之鹿掩上振
 之為攬攬者止行息氣也司馬法曰鼓聲不過闐鞞
 聲不過闐鐸聲不過琅 **○**攬音鹿李扶表反鐸待洛
 反涿丁角反沈音濁劉音獨
 闐吐剛反闐吐獵反 **○**中軍至皆坐 **○**釋曰此經總
 劉湯答反琅音郎 **○**說聽誓既已將欲向南第二
 表象戰陳初發面敵此即仲春振旅疾徐坐作之事
 一也 **○** **中軍至過琅** **○**釋曰中軍中軍之將也者

此六軍三軍居一偏皆自有中軍也是以鄭云天子
 六軍三三而居一偏也言三三者非謂如算法云三
 三而九者直是兩簡三為三而復三而已也云群吏
 既聽警命各復其部曲者軍吏本各主其部分曲別
 謂若伍長主五人兩司馬主二十五人卒長主百人
 之等皆是部曲至於誓之時出向眾前聽誓訖各復
 其部伍本處故云復其部曲也云中軍之將令鼓者
 經云中軍以鼙令鼓故知中軍是將也云鼓以
 作其士眾之氣者春秋左氏曹劌云一鼓作氣再而
 衰三而竭是鼓以作士眾之氣也云鼓人者中軍之
 將帥帥旅帥也者按左氏成二年傳晉與齊戰于鞏
 卻克傷於矢曰余病矣張侯曰師之耳目在吾旗鼓
 進退從之於是右援枹而鼓之時卻克擊鼓哀三年
 左傳鐵之戰趙簡子云伏鼓嘯血鼓音不衰是皆將
 居鼓下知兼有帥帥旅帥者按上文春辨鼓鐸云軍
 將執晉鼓帥帥執提旅帥執鼙皆是鼓人故知是軍
 將帥帥旅帥也其卒長執鐃已下皆金非鼓也云司
 馬兩司馬也者以其上文云兩司馬執鐃故知此經

云司馬振鐃者是兩司馬也云以作眾者金雖非鼓
 振之者亦是作眾也云作起也既起鼓人擊鼓以
 行之者釋經車徒皆作鼓行也云伍長鳴錫以節之
 者上文云司馬執錫鼓人職云金錫節故云伍
 長鳴錫以節之也云伍長一曰公司馬者上文云公
 司馬執錫是伍長故云一曰公司馬也先鄭云撫讀
 如弄者直以撫弄聲相近以振鐃謂之弄也玄謂如
 涿鹿之鹿者謂從史記黃帝與蚩尤戰于涿鹿之鹿
 直取音同不從義也此是鹿鹿然作聲也云掩上振
 之者以手在上向下掩而執之云止行息氣也者按
 鼓人云金鐃通鼓金鐃止鼓則金鐃是通鼓而云止
 行息氣者見經云掩鐃即云群吏弊旗故知金鐃亦
 得止行息氣也司馬法鼓聲不過間
 以下者證鼓聲與鐃聲之有異也
 又三鼓振鐃作

旗車徒皆作鼓進鳴錫車驟徒趨及表乃止坐作如

初趨者赴敵尚疾之漸也春秋傳曰先人有奪人

之心及表自第二前至第三

○驟仕救反劉才
遺反先悉薦反

○釋曰昭二十一年冬十月華登以吳師

救華氏宋厨人濮曰軍志有之先人有奪人之心註

云戰氣未定故也後人有待其衰

註云待敵之衰乃攻是其事也

表乃止及表自第三前至前表鼓戒三闕車三發

徒三刺鼓戒戒攻敵鼓壹闕車壹轉徒壹刺三而

止象服敵 ○闕若 ○鼓戒至服敵 ○釋曰經并言

車一轉徒一刺三而止者鄭據 **乃鼓退鳴鏡且卻及**

表乃止坐作如初 鏡所以止鼓軍退卒長鳴鏡以

和眾鼓人為止之也退自前表至後表鼓鐸則同習

戰之禮出入一也異者廢鐸而鳴鏡

○御起略反和

反下為 **乃鼓至如初** ○釋曰此言乃鼓退者謂至

相疑同 **南表軍吏及士卒回身向北更從南為如**

也云鳴鏡且卻者此鳴鏡且卻據初至南表退軍之

時象在軍軍退亦鳴鏡是以左氏哀公傳鐵之戰陳

子云吾聞鼓不聞金亦是鳴鏡退軍註及其北向即

更為習戰之事故云及表乃止坐作如初故鄭云習

戰之禮出入一也 **鏡所至鳴鏡** ○釋曰云鏡所

以止鼓者鼓人職云金鏡止鼓是也知卒長鳴鏡者

春辨鼓鐸云卒長執鏡是也云退自前表至後表者

經略言表則及表乃止坐作如初者總向北三表故

鄭云自前表至後表也云鼓鐸則同者鼓人三鼓兩

司馬執鐸與向南時同以其習戰之禮出入一也云

異者廢鐸而鳴鏡者前向南時云鼓行鳴鐸此北向

不言鳴鐸而言鼓退鳴鏡以其雖習戰出入一猶眾

退軍故 **遂以符田以旌為左右和之門群吏各帥其**



鳴鏡也




周禮疏

卷三十九

二十五

及古

車徒以敘和出左右陳車徒有司平之旗居卒間以
分地前後有屯百步有司巡其前後險野人爲主易
野車爲主  冬田爲符言守取之無所擇也軍門口
和今謂之壘門立兩旌以爲之敘和出用次第出和
門也左右或出而左或出而右有司平之鄉師居門
正其出入之行列也旗軍吏所載分地調其部曲疏
數前後有屯百步車徒異群相去之數也車徒畢出
和門鄉師又巡其行陳鄭司農云險野人爲主人居
前易野車爲士車居前  ○分扶問反又如字註同
易以或反註同壘力魄反

遂以至爲主  釋曰此一節總論敘戰訖入防出戰
之事故云遂以狩田也云以旌爲左右和之門者六
軍分三軍各處東西爲左右各爲一門云以敘和出
者以敘戰處內故以田處出云旗居卒間者軍吏各
領已之士卒執旗以表之故旗居卒間也  冬田
至居前  釋曰云冬田爲狩言守取之無所擇者對
春夏言蒐言苗有所擇及秋名稱中殺者多對此圍
守之此又多於獮故得守名也云軍門曰和者左氏
傳云師克在和不在衆田獵象戰伐故其門曰和門
也云今謂之壘門者漢時軍壘爲門名曰壘門與古
和門同故舉爲說云立兩旌以爲之者昭八年穀梁
傳云秋蒐以紅正也又云刈蘭以爲防置廬以爲懷
門以爲覆質以爲繫註云質樞也繫門中泉又云流
擊握御擊者不得入註流旁握謂車兩轡頭各去門
邊容握握四寸也又車攻詩傳云大芟草以爲防或
舍其中褐纒旃以爲門表纒質以爲樞門容握擊而
入繫則不得入左者之左右者之右然後焚而射焉
又云古者戰不出項田不出防是其事也云有司平

司豐流

卷之二十一 二十六

古

之鄉師居門正其出入之行列也者按鄉師職云巡其前後之屯而戮其犯命者斷其爭禽之訟故知此經云有司皆是鄉師也云車徒異群者出軍之時一車甲士三人步卒七十二人車徒同群今在軍行列之時則車徒異群故車人有異也

既陳乃設驅逆之車有司表貉于陳前

設此車者田僕也○驅起其反又既陳至陳前○如字要於遙反釋曰前經論陳

車徒訖故此云既陳云乃設驅逆之車設訖即為表貉之祭於陳前也

驅驅至僕也○釋曰云驅驅出禽獸使趨田者按王制云天子發諸侯發皆不云

佐車者其實天子諸侯田時皆有驅逆之佐車直於大夫言之者據終而言也知設此車是田

僕者見田僕職云設驅逆之車故知也

中軍以鼙令鼓鼓人皆三鼓群司馬振鐸車徒皆作遂鼓行徒

銜枚而進大獸公之小禽私之獲者取左耳

馬謂兩司馬也枚如箸銜之有纒結項中軍法止語為相疑惑也進行也鄭司農云大獸公之輪之於公

小禽私之以自畀也詩云言私其縱獻肩于公一歲為縱二歲為犯三歲為特四歲為肩五歲為慎此明

其獻大者於公自取其小者玄謂慎讀為慶爾雅曰豕生三曰縱豕牝曰犯麋牝曰慶獲得也得禽獸者

取左耳當以計功○箸直慮反繕戶卦反劉又胡麥反或音卦畀必二反與也犯音巴

本亦作巴慎如字亦音辰慶音辰又音賢○中軍至止尸反慶麋牝也縱本亦作變子工反

左耳○

同禮疏

卷之九

二十七

及古

釋曰此令鼓之事與上文教戰時大同惟徒銜枚為異○**釋**群司至計功○**釋**曰鄭知群司馬謂兩司馬者上文春辨鼓鐸云兩司馬振鐸故知之也云枚如著銜之有緒結項中者雖無正文以意言之繼即兩頭繫也既有兩繫明於項後中央結之先鄭引詩云言私其穡獻肩于公一歲為縱已下鄭皆不從者商詩毛傳云三歲曰耕此云四歲為肩爾雅云豕生一曰特二曰師三曰縱又爾雅云麋牝曰麋無五歲為慎又魏詩云三歲曰特先鄭皆無可依據故不從也若然耕還是鹿之絕有力者也

皆駘車徒皆譟**釋**鄭司農云及所弊至所弊之處玄謂至所弊之處田所當於止也天子諸侯蒐狩有常

至其常處吏士鼓譟象攻敵剋勝而喜也疾雷擊鼓曰駘譟也書曰前師乃鼓譟亦謂喜也○駘本亦作

出措反李一音亥譟素及所至皆譟○**釋**曰公及報反鼓音符又芳甫反**釋**所弊者冬徒弊止之處謂百姓獵止○**釋**鄭司至喜也○**釋**曰引徒乃書曰者書傳文彼說武王伐紂時事

饁獸于郊入獻禽以享烝**釋**徒乃弊徒止也冬田主用眾物多眾得取也致禽饁獸于郊聚所獲禽因以

祭四方神於郊月令季秋天子既田命主祠祭禽四方是也入又以禽祭宗廟○**釋**于輒反劉于法反

徒乃至享烝○**釋**曰云致禽饁獸于郊者亦謂因田過郊之神位而饋之○**釋**徒乃至宗廟○**釋**曰月令季秋天子既田云云者證彼祭禽于四郊與此大干郊為一物其實彼一解以為是仲秋祭禽以祠也為及師大合軍以行禁令以救無辜伐有罪師

所謂王巡守若會同司馬起師合軍以從所以威天下行其政也不言大者未有敵不尚武

○從才用反下同

武 師所至尚武。釋曰云師所謂王巡守若會同者以對下文云若大師是出軍法故鄭云未有敵不尚

武 若大師則掌其戒令。大卜師執事。涖釁主及軍

器 大師王出征伐也。涖臨也。臨大卜出兵吉凶

也。司馬法曰上下下謀是謂參之主。謂遷廟之主及

社主在軍者也。軍器鼓鐸之屬。凡師既受甲迎主于

廟及社主祝奉以從。殺牲以血塗主及軍器皆神之

若大至軍器。釋曰云帥執事涖釁主及軍器者按小子職云釁邦器及軍器彼官釁之而大司馬

臨之。○大師至神之。○釋曰鄭知臨大卜者按大

卜云掌龜之八命。一曰征。故知也。云司馬法曰上下

下謀是謂參之者。卜在廟又龜有神。故云上下謀人

在下。故云下謀。君居其中。故云參也。云主謂遷廟之

主及社主在軍也者。曾子問云軍行則以遷廟之主

行左。傳祝佗云軍行設社釁鼓祝奉以從。尚書云用

命賞于祖。不用命戮于社。皆是在軍者也。及致建大常比軍眾誅後至者

比 或作庀。鄭司農云致謂聚眾也。庀具也。玄謂致

鄉師致民於司馬比。校次之也。○比必履反。註同。或

庀匹是也。劉芳美。○比或至之也。○釋曰先鄭云

反其也。沈方二反。○庀具也者。先鄭從古書庀後鄭

不從。以為校次者。凡物有數者皆須校次。乃知具不

故不從具也。玄謂致鄉師致民於司馬者。據鄉師職

知之具。司馬用王。大常者。以上文大師王親御六軍

故司馬用王之大常致眾若王不親則司馬自用大

旗致音視及戰巡陳音視事而賞罰音視事謂戰功也

及戰至賞罰。釋曰巡陳者司馬當戰對陣之時巡軍陳賦其戰功之事知其有功無功而行賞罰也。

若師有功則左執律右秉鉞以先愷樂獻于社音視功

勝也律所以聽軍聲鉞所以為將威也先猶道也兵

樂曰愷獻于社獻功于社也司馬法曰得意則愷樂

愷歌示喜也鄭司農云故城濮之戰春秋傳曰振旅

愷以入于晉音導若師至于社音視釋曰云

秉鉞以先者謂戰陳知有勝功說乃執律者示此律

聽軍聲勉勝耳右秉鉞示威也音視功勝至于晉音視

釋曰云律所以聽軍聲者大師職云彼初出軍時大

師執聽至此勉勝司馬執之先鄭引城濮之戰者僖

二十八年晉文公敗楚於城濮兵入曰振旅整眾而

還歌愷樂而入晉彼諸侯法與此天子禮同故引為

證也趙商問夏官師有功則獻于社春官大司樂王

師大獻則令奏愷樂註云大獻獻捷於社不達異意

鄭答曰司馬主軍事之功故獻於社大司樂宗伯之

屬宗伯主宗廟故獻于祖若然軍有功二處俱獻以

其出軍之時告于祖宜于社故反必告也若師不功則厭而奉主車音視鄭

司農云厭謂厭冠喪服也軍敗則以喪禮故秦伯之

敗於殺也春秋傳曰秦伯素服郊次鄉師而哭玄謂

厭伏冠也奉猶送也送主歸於廟與社音視厭於涉反

反註同殺戶交反劉音視鄭司至與社音視釋曰春秋

音豪鄉師許亮反音視秦伯事左傳僖三十三年秦

師襲鄭之事按彼僖三十年秦晉圍鄭鄭使燭之武

說秦伯秦師退使杞子逢孫揚孫戍鄭至僖二十三

年三月

同禮疏

卷之三十六

三月

年秦使孟明視白乙丙西乞術襲鄭將至鄭逢商人
 茲高將市于周許之秦師還至敬晉師與姜戎敗之
 獲三帥囚之於晉晉舍三帥還秦伯素服郊次鄉師
 而哭之是其事也玄謂厭伏冠也者按下曲禮云厭
 冠不入公門彼差次當總小功之冠以義言之五服
 之冠皆厭以其喪冠反吉冠於武上向內縫之喪冠
 於武下向上縫之以伏冠在武故得厭伏之名按檀
 弓註厭冠喪冠其服亦未聞若然先鄭引秦伯素服
 者彼據在國向外哭此則從外向內不同故云其
 服未聞後鄭不破者已有極引註此從破可知

王勞士庶子則相

○

師敗王親弔士庶子之死者勞

其傷者則相王之禮庶子卿大夫之子從軍者或謂
 之庶士○勞力報反註同
○相息亮反註同
○師敗至庶士○釋曰
子註云士適子庶子其支庶與此註云庶子為卿大
夫之子適庶俱兼則經中士為卿大夫士之身與宮

伯註不同者彼宮正掌卿大夫士身宮伯別掌士庶
 子上庶子為適子支子明矣此惟一文云弔勞士庶
 子不見別有弔勞卿大夫士身故分之鄭望經為
 故不同也若然此註不云士之子者以其卿大夫之
 適子為王與后與士司故親弔勞之士之子
 如眾人不得為王及后如士故不弔勞之也

慮事屬其植受其要以待攷而賞誅

○

大役築城邑

也鄭司農云國有大役大司馬與謀慮其事也植謂
 部曲將吏故宋城春秋傳曰華元為植巡功屬謂聚
 會之也要者簿書也攷謂考校其功玄謂慮事者封
 人也於有役司馬與之植築城植也屬賦丈尺與其

用人數○廣慮音預又如字註與謀同屬音燭
○大
○役

至賞誅○釋曰此謂築城邑之時封人慮事計功大
 司馬雖不掌徒役亦得與謀也屬其植者屬謂屬衆
 徒役計其人數賦其丈尺以課其功也植者版幹之
 屬計其人數各使備足也○大役至人數○釋曰
 先鄭以為與慮事大司馬與在謀慮其事中後鄭從
 之增成其義按宣十一年楚令尹蔣艾獵城所使封
 人慮事以授司徒註云封人司徒之屬官是封人慮
 事司馬與在謀慮中也春秋宋華元者按宣二年左
 氏傳云宋城華元為植巡功註云植將土也先鄭云
 植謂部曲將吏屬謂聚會之後鄭不從以為植築城
 植也屬賦丈尺與其用人數者按昭三十三年晉士
 彌牟營城周計丈數揣高卑度厚薄仍溝洫又云以
 令役於諸侯屬役賦丈尺宣十一年計慮用人數也
 人功之數以此知屬謂賦丈尺與人數也

則帥士庶子而掌其政令 帥師以從王 帥師以從王 帥師以從王

○釋曰知帥師以從王者按諸子職云若會 若大射 同賓客作群子從註云從從王是其事也

則合諸侯之六耦

大射王將祭射于射宮以選賢

也王射三侯以諸侯為六耦 若大射至六耦○釋
 侯來朝在京師者大司馬令之為六耦○大射至
 六耦○釋曰云大射王將祭射于射宮以選賢也者
 按禮記射義云古者天子之制諸侯歲獻貢士於天
 子天子試之於射宮而中多者得與於祭大射禮亦
 射於郊學宮中皆是為祭選士故云選賢也云王射
 三侯者司裘云王大射則其虎侯熊侯豹侯是也此
 大射是將祭而射故用諸侯為六耦若賓射射人亦
 用六耦但不用諸侯當用卿大夫為之燕射三耦自
 然用卿大夫 大祭祀饗食羞牲魚授其祭 牲魚魚
 已下為之

牲也祭謂尸賓所以祭也鄭司農云大司馬主進魚

○食音嗣後 大祭至其祭○釋曰大祭祀謂天
 祭食皆放此 地宗廟此大祭 據宗廟而言其中

禮記卷之六 祭義第六 祭義第六

祭之等祀亦為之矣饗食謂諸侯夾朝上公三饗三
食之等行之在廟故與大祭祀同皆羞道魚牲○
祭魚至魚牲○釋曰云祭謂尸賓所以祭也若大祭
賓按尸祭饗食授賓祭祭者魚之大饗即少牢下篇
云主人主婦尸各一魚加臠祭於其上臠謂魚之
三饗者公食大夫亦云授賓祭故云祭謂尸賓所以
祭者王祭則膳夫云授王祭是也先鄭云大司馬主
宰魚牲者必使司馬進之者司馬夏官夏陰氣所起
無亦物亦陰類故
大喪平士大夫
鄭司農云平一
其服也女謂小者正其職與其位
大喪平士大夫
釋曰必使司
馬平之者司馬之屬有司士主群吏令王喪不得使
司士故司馬平之○
鄭司至其位○釋曰先鄭云
平其服也者後鄭不從者小宗伯已懸
喪祭奉詔
喪冠故後鄭以為平者正其職與其位也
馬牲
王喪之以馬祭者蓋遣奠也奉猶送也送之

至墓告而藏之
○遣奠棄職反後遣
奠遣車之類皆同
王喪于藏
之○釋曰鄭
知喪祭是大遣奠者以其喪奠反虞卒哭喪祭之等
無奉送詔告惟有大遣奠入墓之時有奉送之事故
知喪祭是
人遣奠耳

司馬布 卷之三十三 及古

